

**Federalno ministarstvo energije, rudarstva i industrije** (u daljem tekstu: Ministarstvo), sa sjedištem u Mostaru na adresi Alekse Šantića b.b. Mostar, ID broj: 4227314160001, koga zastupa federalni ministar energije, rudarstva i industrije Nermin Džindić

i  
NAZIV IZVOZNIKA \_\_\_\_\_ (u daljem tekstu: Korisnik) sa sjedištem na adresi \_\_\_\_\_, ID broj: \_\_\_\_\_, koga zastupa \_\_\_\_\_, direktor.

dana \_\_\_\_\_ 2020. godine zaključuju

## **UGOVOR o dodjeli finansijske pomoći**

### **Član 1.**

Ministarstvo i Korisnik sklapaju ovaj Ugovor na osnovu Uredbe o interventnim mjerama za podršku ugroženim sektorima privrede Federacije Bosne i Hercegovine u okolnostima pandemije COVID-19 („Službene novine Federacije BiH“, broj 74/20) (u daljem tekstu: Uredba), Javnog poziva za podnošenje prijave za dodjelu finansijske pomoći izvoznim privrednim društvima u sektoru industrije od 20.10.2020. godine (u daljem tekstu: Javni poziv) i Odluke Vlade Federacije Bosne i Hercegovine o dodjeli finansijske pomoći izvoznim privrednim društvima iz \_\_\_\_\_ industrije, V broj: \_\_\_\_\_ od \_\_\_\_\_ godine, („ Službene novine Federacije BiH“, broj \_\_\_\_ ) (u daljem tekstu: Odluka).

### **Član 2.**

Ovim Ugovorom Ministarstvo i Korisnik uređuju međusobna prava i obveze vezano za isplatu finansijske pomoći za podršku održavanja i poboljšanja likvidnosti i održavanja konkurentnosti u izvozno orijentiranim granama industrije.

Korisnik finansijske pomoći iz stava 1 ovog člana ostvaruje finansijsku pomoć na osnovu ostvarenog izvoza preko 30% od ukupnog prihoda u 2019. godini, a na osnovu Izjave ovjerene pečatom firme i potpisom ovlaštenog lica u kojoj je naveden ukupan prihod u 2019. godini, prihod od izvoza u 2019. godini i postotak izvoza, te na osnovu godišnjeg zvaničnog finansijskog izvještaja za 2019. godinu.

### **Član 3.**

Ministarstvo će isplatiti Korisniku odobrenu finansijsku pomoć u iznosu od \_\_\_\_\_ KM (slovima: \_\_\_\_\_) na glavni transakcijski račun Korisnika, otvoren u NAZIV BANKE, broj: \_\_\_\_\_.

Ministarstvo će dati nalog Trezoru Federacije Bosne i Hercegovine da izvrši uplatu odobrenih sredstava na račun Korisnika sredstava, najkasnije do 31.01.2021. godine.

### **Član 4.**

Korisnik sredstava se obavezuje:

- da odobrena sredstva koristi zakonito i namjenski u skladu sa Odlukom, ovim Ugovorom i u skladu sa općim uslovima za prihvatljivost korisnika i specifičnim uslovima za dodjelu finansijske pomoći koji su predviđeni Uredbom,
- da blagovremeno obavijesti Ministarstvo o svim okolnostima koje su od značaja za realizaciju ugovornih obaveza,
- da se odazove na svaki poziv Ministarstva u sjedište Ministarstva ili odgovori na svaki pismeni upit koji dobije od Ministarstva u vezi realizacije i pravdanja dodijeljenih finansijskih sredstava,
- da Ministarstvu dostavi Izvještaj o utrošku dodijeljenih sredstava finansijske pomoći, sa svim potrebnim prilogima, na Obrascu izvještaja koji je sastavni dio ovog Ugovora i koji se može preuzeti i na web stranici Ministarstva [www.fmeri.gov.ba](http://www.fmeri.gov.ba), odmah po njihovoj realizaciji, a najkasnije do 28.02.2021. godine,
- da odobrena sredstva iz člana 3. u ukupnom iznosu od \_\_\_\_\_ KM (slovima: \_\_\_\_\_) utroši za isplatu minimalnih bruto plaća za period od 01.07.2020. godine do 31.12.2020. godine i/ili za troškove poslovanja Korisnika (troškovi: zakupa, električne energije, toplotne energije, plina, vode, telefona, interneta i troškovi komunalnih usluga) koji su nastali u periodu od 01.07.2020. godine do 31.12.2020. godine,
- da prilikom potpisivanja Ugovora uruči 2 (dvije) blanco vlastite mjenice „bez protesta“, serijski broj AF \_\_\_\_\_ i AF \_\_\_\_\_, i Ovlaštenje za popunu mjenice koje su ovjerene i potpisane od strane ovlaštenog lica u svrhu osiguranja povrata neutrošenih, odnosno nenamjenski utrošenih sredstava ili povrata cjelokupnog iznosa dodijeljene finansijske pomoći, u slučaju propuštanja Korisnika, da ispuni obavezu dostavljanja izvještaja, ili u slučaju naknadno utvrđenih nepravilnosti na vjerodostojnosti dokumentacije koju je Korisnik bio u obvezi dostaviti putem Javnog poziva ili pri identifikaciji ovlaštenih osoba.

Na osnovu ove ugovorne odredbe, Korisnik finansijske pomoći ovlašćuje Ministarstvo da može u primljene bjanko mjenice upisati iznos svih dospjelih potraživanja na dan popunjavanja mjenica, zatim datum dospjeća, domicilirati ih po svojoj volji, upisati sve druge nedostajuće podatke, te ih podnijeti na isplatu, odnosno da mjenicama može provesti sve druge propisane radnje radi naplate mjeničnog potraživanja.

## Član 5.

U slučaju neispunjenja ili neurednog ispunjenja obaveza iz člana 4., Korisnik sredstava se obavezuje da će po zahtjevu Ministarstva, u roku od 15 (petnaest) dana od dana prijema zahtjeva, izvršiti povrat nenamjenski utrošenih sredstava ili cjelokupan iznos dodijeljene finansijske pomoći, na Jedinstveni račun Trezora Federacije Bosne i Hercegovine (broj računa: \_\_\_\_\_) i o tome Ministarstvu dostaviti pismeni dokaz (kopija uplatnice).

U slučaju neispunjenja obaveze povrata nenamjenski utrošenih sredstava ili cjelokupnog iznosa dodijeljene finansijske pomoći, na Jedinstveni račun Trezora Federacije Bosne i Hercegovine, odnosno ako se pismeni dokaz o istom ne dostavi u roku od 7 (sedam) dana od isteka roka za ispunjenje obaveza iz prethodnog stava, Ministarstvo će odmah aktivirati instrument osiguranja.

## Član 6.

Ministarstvo se obavezuje da će izvršiti uplatu odobrene finansijske pomoći Korisniku finansijske pomoći, vršiti kontrolu utroška odobrene finansijske pomoći i vršiti nadzor nad zakonitim i namjenskim korištenjem dodijeljene finansijske pomoći, utvrditi nenamjenski utrošak sredstava, te nadzirati i provoditi postupak povrata sredstava u slučaju nezakonitog i nenamjenskog korištenja.

## **Član 7.**

U slučaju da odobreni iznos iz člana 3. ne bude potpuno ili bude djelomično doznačen od strane Trezora Federacije Bosne i Hercegovine, a zbog nelikvidnosti ili rebalansa Budžeta Federacije BiH, ili zbog smetnji na strani Korisnika sredstava, Ministarstvo je oslobođeno svih obaveza i odgovornosti po ovom Ugovoru.

## **Član 8.**

Eventualne sporove koji nastanu tokom izvršavanja ovog Ugovora, ugovorne strane će pokušati riješiti sporazumno.

Ukoliko se sporazum ne postigne, nadležan je Općinski sud u Mostaru.

## **Član 9.**

Za sve okolnosti koje se jave tokom realizacije ovog Ugovora, a koje nisu predviđene istim, primjenjuju se odredbe Zakona o obligacionim odnosima.

## **Član 10.**

Ovaj Ugovor stupa na snagu i postaje pravovaljan od datuma kada ga uredno potpišu obje ugovorne strane i isti će biti na snazi do potpunog izvršenja obaveza ugovornih strana.

## **Član 11.**

Ugovorne strane se slažu da je važno preduzeti sve neophodne mjere predostrožnosti kako bi se izbjegle koruptivne prakse.

## **Član 12.**

Ugovorne strane su posvećene borbi protiv terorizma, a posebno protiv finansiranja terorizma. U skladu s tim, nastojat će se osigurati da se ništa od sredstava Ugovora ne koristi direktno ili indirektno za pružanje podrške pojedincima ili subjektima koji su povezani s terorizmom.

## **Član 13.**

Ovaj Ugovor sastavljan je u 4 (četiri) istovjetna primjerka, od kojih Ministarstvo zadržava 3 (tri) primjerka, a Korisnik sredstava 1 (jedan) primjerak.

**Za Federalno ministarstvo  
energije, rudarstva i industrije**

\_\_\_\_\_  
**Nermin Džindić, ministar**

**Broj:** \_\_\_\_\_

**Za Korisnika – NAZIV:**

\_\_\_\_\_  
Ime i prezime, **direktor**

**Broj:** \_\_\_\_\_